

小倉山房外集卷五 文庫

錢唐黃叔子才正引

代許方伯為高太夫人徵詩啟  
夫印印者祿娥之臺奕奕著甘泉之畫不率太夫人仰  
徽章昭明有融門標淨模此固與門之母範青史之女  
宗也然而三心五噶屋小則光徽寡鶴歸見寡孤則室  
毀安得如然如式有守有為如高母丁太夫人者乎  
人居齊女之門為吳姓之冠椒花作頌外著風華金井  
微行從無亂步增公磐石先生好麗有殷勤之德待年  
當姓變之期為真香縹緲來夕室助靈氏之德誨師曹  
之琴揚衡但笑于房詩妙不聞于室  
錢唐黃叔子才正引

小倉山房

卷五

一



姜銀鹿弄兒儼如娣姒此非行修子女公子之時而誠格于君夫人之處者其孰能與于斯乎生觀察六年贈公遠卒當是時也枚舉依母吳市萍浮陸賈分家越裝星散二升鹽莢愁吾子之饗多千里靈輻苦休夫之路遠元昆娟孟各自憐馳餘子公行半皆呂鉅會曾小子八褱衣單項項蕭辰三隅燧冷亡蒼警而欲哭坐蔓室以無言古之人雖姜氏明哀盛姬姓蕭方茲笑獨始有同焉恭人乃清竹忘寒茹荼耐苦講庭語藏收楹書道此子也才可受折襲之教而無父何怕生瞻楫木而趨于楚嚴細德之險微延經師以程督惡并露紵長捐台之華象掃崔叙時映麻衣之雪煩擱私服縑手三

益經紀朝養川梁一苟男錢女布共鹽鼓以經營鄭絡秦筆雜書聲而上下卒能維婁侮甫真冷冲人放仗塔邊五百道小夫人之乳武功爵上一萬戶大呼藥之官真足告皇辟于九泉慰戚姑而一笑也已更可異者谷永餘責原有萬金張博負人竟無一報在凡情必狹趙氏之孤素秦城之壁而恭人截髮置酒敷衽陳詞念先子之交情燒下手之空券遂使鄉傳市義而馮驩稱高人手報恩而宋清轉富可謂雌亭吹骯髒之風女次沈金銀之氣者矣觀察五命賜則一麾出巡駐馬洪都襄帷白下凡十部宣風之雅化皆三遷訓子之貽謀雖石養祠空有淚尚彈孝水而瀧岡阡表無人不仰慈雲某



官共南畿姻聯家督飭聞穆行敢闕微言占鵲序以先  
行喜鳳毛之蔚起當年平視識周家絡秀之賢此日欽  
選拜魯國成風之廟伏願方聞之士弁雅之才各振霜  
毫大書金管研湘江舜竹雲委千行探龍威禹書文成  
三契庶幾旃檀香遠因風力之吹揚玉女峯高得奎光  
之照輝補周官陰禮憲于王宮並張華女箴垂爲內則

謝金撫軍薦舉博學鴻詞啓

公奏 本朝鴻博停五十七年廩生袁枚裁二十一歲  
奇才應運卓識冠時臣所特薦止此一人枚聞命驚疑  
心顏罔播伏念非常之科盛名難副顧問之職童子何  
知昔王修表高柔于早歲何黜識邱遲於幼年大抵獎  
借齒牙策其上進未必刻雕朽鈍揚于王廷我德山中  
丞西州叔子洛下吳公金奏識微玉容領度水朝東海  
先退者定是蹄窪星拱北辰最近者莫如奎壁趙文子  
舉七十餘家豈徒管庫崔祐甫除八百餘吏不避親知  
栽桃李而旁及葑菲取絲麻而不遺菅蒯于蒼鳥羣飛  
之日作一獲已足之章在萬人如海之中爲國士無雙



之譽伏念枚浙東之鄙人也才識妃豨學辨甄盜徵驢  
數粟未作州書販鼠賣蛙難逢都士坐帝後七車而不  
敢問山河兩戒以茫然雖騶忌見淳于偶然三問三答  
而子晉對師曠業已五稱五窮當陸遜入幕之時正耿  
奔北上之歲南朝甲族初入銓曹東漢孝廉裁過半世  
就使十行俱下誦亦無多公然三策明廷問將何對愛  
貴禕而許騰乘蜀郡驚看薦王暕而說華年江東傾耳  
定使彼都人士爭傳賤子之姓名滿殿侯王來問徵君  
之甲子欲辭似怯將赴先慚枚又聞君子之惠人也公  
薦與私財不並儒生之受惠也感恩與知已難兼是以  
願榮舉士便號南金晏子脫驂不共天祿公乃長府資

錢監河貨聚奴星衛道計吏呼船敬關張節度之旌旂  
聚椽護行人之風露鄭莊千里不必齋糧方朔一粟無  
勞索米豈非律吹過暖楮刻失真者乎茲者夫子牆高  
長安日遠作充庭禮陳于方物之前署行義年副以尚  
書之表秋風匹馬難攜三篋之書方寸舊都檢點五行  
之志扇捉謝公之手十萬當增人非員俶之才五千難  
鬪枚惟有玉海尋涯金天進頌學書生紙免脫容刀敢  
云剏掘豐城一出而四方照耀庶免鶴臺遵祖命舞而  
雙翅遠越公非殷翼之孫謀致人于九天之上我是巨  
鰲之戴負重恩如五嶽之高



擅責旗廝謝岱將軍啟

枚初離書舍便領雷封雖有愛民之心未知事上之道  
本月二十日公麾下役張升徵李氏之祖因周家之子  
移官換羽意欲何為寧爵母刁志在恫喝枚已得其情  
畧詰其故而升罔知尺一任意俯張莫敖趾高伯珪聲  
大坐獄之鄉亭盡駭殺青之金布安存此枚所以不及  
上問遽加仗決也然而承符手力徃雖不判尊卑而臺  
使軍丁罪合先為上請魏絳戮揚干之僕六驥皆驚秀  
實誅郭令之兵一軍蓋甲乃蒙明公薄恕不形觀過于  
黨始懲破枉之風俾識堂廉之公繼赦如絃之直以全  
傳棧之材人謂枚先有不一官之意而後動於刑枚



知公原有不屈一夫之心而敢行其志園丁莫主人之  
荆棘方欲居功子孫鞭祖父之家奴自知小過念前愆  
而莫贖園自斫之有期從此申公憲以報私恩依然執  
法而得下情以白執事合緩須臾庶在野免銅拔之歌  
亦爲公肅銀刀之隊

謝薦擢高郵刺史啟

枚五年曠職回任專城以空藁之下申任尹賞之煩劇  
譬諸朽木蒙大匠以包容自笑爲駘莖香其而惕息六  
月十一日聞高郵州缺以枚表薦伏念枚一畝官階九  
牛難挽三刀古夢五夜無徵遽加不次之選意謂孤終  
之責况那薄孔道靈社災區雖過如星鴻飛滿野豈高  
之牛十二難特行人子穿之粟一鍾待餽餓者數江南  
赤繁之任豈之老成用斯西估星之備恐飛人望官雖  
遷而意怯福驟至而驚多在明公抱負造之心翰園不  
棄在末吏戴無顏之恰僮僕升高攬鏡炤影公然大夫  
納手捫心得無小過倘薦禰之章追之不及則推袁之



表意實難安惟望明公賜以鍾鑑覽其銜轡頒侯君房  
之令甲仲有遵循置卓子康之官僚助其不及雖非製  
錦初學裁縫但願張弓倍加矯厲庶幾精文善法荒辨  
無訛送往事居靈言不起得下以盡當官之職而上以  
報知己之恩

上尹制府乞病啟

枚歷官有年奉職無狀蒙明公恩勤並至薦擢交加雖  
停年之資格難回而知已之深恩未報人雖草木必不  
謝芳華于雨露之秋水近樓臺益當効涓滴於高深之  
世不意本月三日故里書來慈親臥病枚違養之餘已  
深踧踖得信之後愈覺驚疑伏念枚東浙之鄙人也世  
守一經家徒四壁對此日琴堂之官燭憶當年丙舍之  
書燈授稚子之經劃殘荻草具先生之饌撤盡環簪餘  
膽罷含斷機尚在未嘗不指隨心痛目與雲飛自蒙  
丹陛之恩得奉板輿之樂春暉寸草養志八年然而萱  
愛家鄉種河陽而不茂荀生冬日覺梓里之尤甘客秋



之尊萊香時堂上之魚鮓返矣枚欲再行迎養則衰年  
 有恙難涉關河倘遠訊平安則隅坐無人誰調湯藥在  
 親闈喜少懼多之日實人子難進易退之時瞻望鄉關  
 何心管芴夫人情於日暮頽唐之際顧子孫侍側而能  
 益精神儒生于方寸營亂之餘雖星夜辨公而必多叢  
 勝在朝廷無枚數百輩未必遠少人才在老母撫枚三  
 十年原為承歡今日情雖殷于報國志已決于辭官  
 第養之一言固須與所難緩而終之一字非人子所忍  
 言且高堂之年齒未符或恐事違成例大府之遭逢難  
 再未免官愛江南茲當五內焚如忽爾三秋店作思歸  
 無路得疾為各伏願明公念枚烏鳥情深允其養親之  
 素志憐枚犬馬力薄准以乞病之文書實綠依戀晨昏  
 退而求息非敢膏肓泉石借此鳴高得蒙篆攝有人當  
 卽星馳就道或老人見子頓減沉疴則故吏懷恩還思  
 努力此日得歸膝下皆仁人之曲體蘇生他年重謁軍  
 門如嬰兒之再投慈母

歐蘇非四六正宗也為公牒文字正自不得不爾



爲黃太保賀經略傅公平大金川啟

蓋聞射鵬無力難彎青海之弓洗甲有心誰挽銀河之手  
福不安者不足以成大事量不遠者不可以語武功  
故韋臯度鐵嶺而南番降馬隆到涼州而樹機破叔敖  
甘寢秉羽而郢人息兵唐叔搏兕徒林而太甲靖亂大  
抵功因將立臣爲士生飛龍服皂于黃靈赤文候曰于  
堯屋恭惟經略忠勇公閣下識窮兩戒學通四夷蕭何  
昂宿之精傳說中園之祠

皇上以金川不順前帥無功命亞夫代灞上之軍假王  
尊以安東之節當是時天子有憂邊之色三軍無報  
捷之書公以鄧禹之英年抱終軍之逸氣加柱天都部



領百保鮮卑履及寧皇謂誓師之始梟鳴牙上卜取賊  
之功爾乃躡鳥角過青岡渡桃關走天射馬難容足車  
不雙行殷武伐荆蠻誰能采入岳侯討楊太除是飛來  
公造張綱之衝車破公孫之鐵檻製宣王之軟屐曳朱  
泚之雲橋誘彼人馬搜其龍戶一鼓作氣三刻踰溝其  
摧堅也如箠汜畫塗其奪寨也如決流抑隊我御未爲  
鵝鵠彼將軍化嶽沙人方疑荀營之取偃陽何其難而  
魏舒之降鼓子何其易也不知黑龍虛氣什公之草檄  
方成飛鳶墮溪伏波之毒淫難受飲摩訶之地汁拜井  
無靈啖穎上之弓絃量沙自壯而且九折叱王尊之馭  
三更裏鄧艾之綿奉走卒以爲師謙能下士射酒樽而

不動忠可忘身肉非黃羊不畏汝刺金雖如粟豈入我  
懷非有動心忍性之功其能有照天耀日之烈乎正月  
初六日金川首詣大軍乞降公稱 詔書許其不死于  
是雪霽降旗之上花迎衛壁之人葉鑄多羅手牽玉象  
捧盤上表織錦陳詩公卽洞開重門雍容免胄釋蔡州  
之牙卒用孟獲之軍人頃田不租十妻不算此秦王之  
誓言也我無爾詐爾無我虞此宋公之盟約也界銅柱  
以千年定天山于三箭元旗返旆白馬還朝荀羨二十  
之年威儀可想蔡茂三公之服士女爭看解去兜鍪重  
含雞舌八戰八克爲隴右所希聞七縱七擒實南夷所  
心服昔劉方之征林邑殺象享軍萬歲之渡蜻蛉仆碑

卷五



應識以彼奇功方斯茂矣 天子禮頒異數恩錫非常  
 覆章綬以蜀纈之袍賜房喬以黃銀之帶金釵阿杜詔  
 餉盤龍寶劍惟成畧頒陳龍水晶鹽好分崔浩以同甘  
 鐘鼓聲希採李晟之安否某一官柴立萬里鳧趨寫孫  
 歆愛捷之書酒無德筆讀魏絳和戎之奏如接英風祝  
 天上之會銀年年效角願將軍之大樹歲歲開花


謝蘇州趙太守啟

蓋聞月犯軒轅惟薄徵于天象宵攜衾枕心蜀動于星  
 辰歎欽何辜遇人不淑猶之朕沙思水空泣絞綃被火  
 釁狼難昇淨域從來錄事都知之號煩少回黃轉綠之  
 明若乃匿溷落英仍登茵席狼曠裸國忽被冠裳律吹  
 谷以成喧絮沾泥而起舞洵可稱爲生佛喚作天公恭  
 惟文山太守弭節關中班春吳下千尋嶽峻擎玉女之  
 頭盆九派江清渡洛神之羅襪我靜若鏡看至如歸雖  
 慶泐華堂太守毫無目色而維揚旌夜相公深護才人  
 則有女號青琴郎名白石偶過長陵小市迎來油壁香  
 車純望其容虔儼其性含睇宜笑淑質豔光玉好坐于



帳中花羞落子庭下目作宴瑱飽矣情如穆羽調矣三  
宿空桑法喜維摩之戀一枝華勝紅綃絳樹之緣其能  
無天花染衣黃玉志鼻也哉可奈犀難驅鳥裙不畱仙  
拔宅心般挈雲力薄藍橋忘乞漿之路桃源迷再訪之  
津遂乃髮墜黃鄉釵飛白鳳身單螢火骨瘦香桃金輪  
之咒無靈玉指之環自淚樓羅歷日印龍子以無多芳  
詆疏麻託雁奴而莫寄山河滿目潘岳西征專繪呼舟  
季鷹南返忽以微之之小住爲阿軟之再逢數華年則  
星已重周藏團扇而字猶未滅哀其窈窕視橫陳儂  
已鍾侵守孔子閉房之訖卿須解脫歌獨孤散雪之章  
但願蓮出污泥珠澄濁水桐成琴瑟不負鳳鳥曾棲劍  
躑龍津何必司空自佩干是改鴛鴦之衽爲鴛鳥之媒  
易孝綽之名姝作李波之小妹適有戴若思者吳之振  
奇人也相對陰諧絕忘緇靈遂乃甘爲眉匠永結心衣  
挽玉臂以教封勸鏡臺之早定然而華嚴劫重難轉風  
輪秦獄冤深誰搖酒樹說三車之法似有前因許二月  
之奔終需陰訟遂乃輸情白牒獻狀黃堂太守下蕭監  
州之符急如星火作李元紘之判重若南山浴義女于  
甘淵蘭漪始湛放蒙雙子北海涇渭永清從此婦婦夫  
夫雙心一袂朝朝暮暮正夢嚴妝書薛濤自製之箋作  
庚亮媿子之案取秦女望夫之石刊阮公遺愛之碑





賀尹太保側室張氏封一品夫人啓

昔成侯命婦祥徵太傅之家魯國成風聘列小君之號  
 大抵升綠衣于翟芻坐側室以魚軒亦義匪自今而事  
 隆往古矣然而銀鏡早退美珥誰探宗人獻禮而無從  
 司馬欲笄而不敢呼爲內子杜佑招匹嫡之嫌喚作尚  
 書王導僅私情之寵豈有小星替月親銜玉帝封章錦  
 瑟乘龍傳作金堂佳話者乎我官保夫子朱絃不偶玉  
 軫頻拋兩江無怨曠之民一室少相莊之色有媿張氏  
 三商待漏五夜抱衾早朝則薰護宮袍散而扶持湯  
 沐具百人之藁飮絡秀延賓采五廟之蘋蘩率爾尸祭  
 君姑道孝民母稱賢上天寶回文之頌使公卿九奏以



聞寫安公德政之碑在金石一人而已于是珠胎繞膝  
玉樹盈庭廣成君女入青宮武昌侯兒通丹禁固已推  
尊房老權攝女君焉然而言人心小沃盥依然夫子官  
清纖蒲如故

皇上引伏波為外戚呼字文為親家以為朕不正其名  
何以平章吉禮卿不胖其合亦難變理陰陽况定子馳  
名專房已久樊英雖老答拜何妨子是董振禮終擯人  
勅下命嬖嫔之采伴列興慶之首行當


皇太后萬壽之辰為新夫人入朝之始斯時也紫極房  
帥領隊高呼皆言女官開鐘雲集夫人六珈未備假戚  
里以成妝九拜初嫺詣天臺而習禮班方排平壁玉影

忽下夫驚鴻共指頤人間是誰家命婦知為尹姑尚疑  
續娶元妃盤鑑初搖使染香烟之氣花鈿歸卸猶沾湛  
露之光蠶毋傾衿齋娘額手較之姨封少室候號雌亭  
餉阿杜以金釵賜司徒以石茆得彼雖矜寵此更恩榮  
昔公母徐太夫人班亞宋子位比叔隗亦蒙

先帝之恩加袞衣之賜一則母因子貴一則爵以夫尊  
兩代孀絃雙彈高調兌居坤位婦繼姑恩枚久列宮牆  
與聞絲竹唱榮華之樂記壽錦之堂從此白髮多宣拜  
後堂而甘心屈膝絳紗韋姆將偕老而初學齊眉祝西  
園老圃之花晚秋香滿壯世上朝雲之色少女風高



八  
卷  
五  
十一



謝瞻園託大中丞賜牡丹啟

中丞金枝玉葉。堯非舜華。黃菌誕雲帝。桑捧日心。如明月。不遺小艸于胸中。氣作陽春。能速百花于天上。凡平泉之一水一石。皆會稽之遠體。遠神是以二柰霞分三桃。綺列青寧。苦竹白馬。甜榴莫不瑞應。金香花生。旌節牡丹者。公所手植。瞻園者也。絳幘初捲。黃蜂報與。春知國色。將酬青帝。親為裝束。映緋袍之色。帶露題箋。分燕寢之香。煎酥贈客。茲者移三江。甘雨為百粵。慈雲滿地。落英攀行旌。而不得一叢深。色拂畫檻。以啼紅公。不忍為節度之芟除。又不能作沉香之遠帶。未免留連光景。倚遍闌干。枚非平慮。侍郎學惜春。御史紫雲一朵動。杜

謝瞻園  
卷五  
十一



牧之清狂金帶十圍想魏公之風度願封嘉樹永拜甘  
 棠敬以詩呈拚將命乞且喜移當春日蝶隨香以借來  
 但恐遷到貧家花有知而必惱乃蒙明公遠貽尺素別  
 攜雙株如嫁叔姬贈賸侍而旁兼列國疑降玉母吹雲  
 璫而廣集羣仙教伴高人較勝唐宮之貶許親文士還  
 同洛如之花枚求則得之不負夢傳采筆心乎愛矣奚  
 須雲想衣裳愧會子之湛蘭香未詳鹿醜笑武羅之種  
 芍藥夸說雲和平分富貴之恩深三嗅馨香而泣下願  
 為麋鹿銜瑤池壽木之華看到子孫當佛國菩提之樹

為雲華君翠袖圖徵詩啟

余與壽魚辭君通家三代題襟廿年愛其藻繪颺發逸  
 情雲上時呼阿戎與語幾下孔融之拜客秋小病姑蘇  
 薛君獵纓而至曰比日思一閒寫先生其有意乎余笑  
 而從焉則有汝南碧玉東海蘭芝梳薄霧之鬟披顏雲  
 之髻靡顏膩理日騰光以流波蜚織垂鬢眉橫山而起  
 黛始則情疎笑淺烟視媚行繼乃承顏接詞華言風語  
 吐如蘭之氣序小滴之出方知貴人未出甘陵聘母先  
 居若縣不覺為之於邑也當其千金受聘一車塵肯伴  
 茗華之玉宿金絲之帳戴石家之釵樣披湘娥之翠裙  
 可謂花飛席上珠墜懷中矣亡何李綺家破杜秋飄零



柳。渾。齒。衰。琴。客。遠。去。銀。瓶。落。井。畫。燭。啼。紅。楊。枝。無。力。以。從。風。蕉。葉。有。心。而。捲。雨。命。之。窮。也。天。竟。如。何。薛。君。以。帷。幕。之。徵。作。庚。桑。之。宿。狹。斜。大。道。幾。住。香。車。小。市。長。陵。別。開。娃。館。三。妻。同。盥。方。共。浴。于。靈。公。二。子。沉。河。懼。誓。言。于。施。氏。子。是。與。僮。作。約。守。口。如。瓶。侍。姆。下。堂。鬪。扉。以。土。取。辰。星。而。作。心。抱。河。上。逍。遙。傾。海。水。以。滴。羅。幃。盤。中。宛。轉。印。來。粉。爪。妝。臺。寶。鏡。之。書。寫。出。丹。青。露。葉。風。枝。之。態。兩。美。既。合。久。假。不。歸。外。婦。私。夫。厥。風。古。矣。論。者。謂。堵。狗。覺。生。茅。鳴。賦。作。新。特。使。故。雄。讓。畔。寄。殺。與。逃。嫁。同。辜。未。免。魚。停。貽。譏。莊。士。不。知。苟。違。而。道。卽。媧。皇。煉。石。之。心。怨。偶。曰。仇。豈。黃。帝。婚。姻。之。意。是。以。媧。娥。叛。壻。許。住。月。宮。太。白。

竊。妻。上。通。星。象。姬。盈。嫁。叔。方。見。美。于。公。羊。宋。姊。置。犁。竟。阻。攻。于。孔。子。女。華。比。于。元。聖。棄。暗。投。明。戮。首。昵。于。重。瞳。因。兄。背。父。明。珠。抵。雀。不。如。拾。而。藏。之。者。之。積。德。深。也。采。鳳。隨。鴉。不。如。解。而。離。之。者。之。為。功。大。也。與。其。伴。青。鬚。牙。郎。芝。焚。蕙。歎。孰。若。與。披。香。博。士。璧。合。珠。聯。凡。人。間。言。禮。之。嫌。或。彼。蒼。補。過。之。事。乎。不。然。者。狗。曲。談。經。鯁。坐。按。律。必。欲。辱。才。人。于。廝。養。屈。燕。婉。以。威。施。石。苟。能。言。天。將。何。對。昔。女。九。與。少。年。苟。合。成。仙。歌。曰。盜。道。無。私。有。翅。不。飛。其。雲。華。之。謂。矣。薛。君。恐。玉。顏。不。再。嬌。喘。疑。沉。命。敬。君。東。筆。為。荆。娘。寫。照。山。花。寶。髻。都。非。倚。市。之。妝。石。竹。羅。衣。大。有。驚。鴻。之。態。屬。題。綺。語。遠。寄。倉。山。疑。是。妝。成。乍。來。鏡。裏。



洗。聞。珮。響。如。隔。簾。間。之。子。修。容。于。卿。何。事。癡。人。相。惜。舍。我。其。誰。爰。以。南。嶽。地。仙。之。圖。為。真。真。作。傳。更。將。河。東。紅。淚。之。絹。代。灼。灼。乞。詩。

謝尹太保和詩啟

昔楊素官尊。酬唱有辭。道衡數首。香山老去。往來只裴中令。一人是非。吏隱爭名。青藍競色也。蓋大樂難于。孤奏偏絃。不可獨張。支遁升堂。必使法虔。待講崔延。韓障先。教僧起。高歌遂古。以來理固然矣。而况乎解。髻。傅。珠。抽衣受寶者乎。望山相公。進則愛國。退乃樂天。答賀雪之章。五版並入。極丹青之化。兩戒無塵。起予首商。蒙知言之選。約我以禮。加狂簡之裁。每奏元霜。定酬白雪。手為天馬。傳箋之驛。遞常勞思。湧秋泉。籠壁之絳紗。屢滿靈。非石鼓待扣。桐魚律是黃鐘。偏應牛鐸。雖秦武闕。孟賁之力。未免絕臚。而齊桓飾石壁之裝。頓增高價。茲者



平泉小葺秋士偶來方裏而圓缸法淳子之謹內高開  
 而廣廈知腹擊之安民通澗灼之泉河流德水樹賢連  
 之木館號翹才而且廊覆路而晴雨宜人壁改廳而卷  
 舒由我昭子雖郵亭必葺王儉以公府為家方之古人  
 真無慚德枚半椽半代庸乃知音一壑一邱見猶心喜  
 無令名而食于藉圃感君子而咏及斯千乃蒙恩應霜  
 鐘字頌雲篆與旨內謚精文外昭同是燈光而龍膏之  
 燭照海均為匏奏而麟皮之鼓郊天目猶抗手雲中希  
 心物外寒蟬飲水仙人羨其無求小鳥鳴春老鳳聞而  
 輒答敢獻奇礪之石補缺華林請修寶器之亭永鐫公  
 作公索假山石故及之

謝慶侍郎贈灰鼠裘啓

僕聞火鼠出子窮郊非太平不至輕裘共于朋友惟賢  
 者為能侍郎奕世貂蟬英年豹變作防邊之都護權司  
 市于甘松洞中機宜克宣威德一言得體三軍晏眠南  
 夷悅而寶布來西域通而吉光獻白狼射罷紅爐酒濃  
 立天山雪中狂歌無偶想洛陽城下偃卧有人乃以一  
 領見貽尺書借至黑比純灰之潔輕同鶴氅而温僕炭  
 本陽虛客非陰重蟋蟀方鳴于床下鷓鴣忽來自雲中  
 問厚往之心一毛拔否辱先施之德三英粲兮從此立  
 狐貉者而無慚卧牛衣中而何泣不憂不懼輕水小雪  
 之天半曳半披古澗寒潭之釣續在身而非挾谷吹律



以常。賄。負。曹。交。九。尺。四。之。身。敢。云。副。是。腰。腹。遵。晏。子。三。十年。之。訓。直。將。煖。過。今。生。

代請熊滌齋先生重赴鹿鳴啟

蓋聞地轉風輪九千里之河清可俟春回莖榜六十年之科第難逢當京兆之秋闈有中朝之人瑞警若長明燈古借聖火以齊明顯慶輅存先龍車而領路也然考撫言于定保徵襍錄于文昌大都虎賁懷人晨星嘆逝劉叟則麻衣猶著希羽或白首初來未有鳴鹿聲中重周花甲金盞背上再領仙班者惟我滌齋先生世守一經門標六闕蔡謨清流之望賀循達禮之宗重雲法會戴會弁以接天顏道藏蓬萊葉竹馬而窺鴻寶出入五省經歷三臺解組文園休神家街無落地不飛之雛鳳積笏盈床有乘風欲跨之龍魚紅霞滿口開尊里第楊



於陵看上下門生冠冕人倫夏太初如商周法物歲逢  
 玉兔榜發金風當焚香撤幕之時正賜宴簪花之日未  
 見之禮六非叔向其誰知升歌之曲三須穆子之在坐  
 康成孫號小同支干恰合絳叟手書亥字甲子何多且  
 喜貢舉侍郎是通家之子姓青官太保書晚字干名箋  
 阮秀儒林丈人峯峻李琪前輩金字牌高月輪之老桂  
 重開湯餅之殘牙更健鶯羨此翁矍鑠齒厖眉愈想  
 當日風流東塗西抹黃花香晚翻同桃李爭春燒尾魚  
 歸定過龍門欲笑他有宮中故妓還識公無若看池上  
 紅裙久先某等伏願先生蒲輪早降法酒同傾細說開  
 元勝似白頭宮女摩挲銅狄爭看綠髮仙人廷臣之仁

廟詩箋臂絲存否孫僅之金花帖子衙押依然將見樂  
 聞東塔雲見南宮鶴立銀袍聞杖響而一齊回首笙吹  
 畫燭勸公醉而三百行觴他年玉筍班中誰似先生福  
 壽明歲瓊林會上再看老子婆娑



募修成仁菴疏

成仁菴者金陵南門外一寶刹也鄰方景之祠厥名有  
 自近雨花之畔勝景無涯余記洛陽之伽藍發楚人之  
 平府知其靈光造久宣榭災餘金色消沉空有祇園之  
 號化生震動徒生雲殿之嗟鑑堂上人小住有年大修  
 無力悲禪堂之穿漏佛頂星明擷伽葉之飄零經幢背  
 綠無花可踏來鹿女以難行有樹將移呼嶽神而不動  
 不得已而抱孟鉢走天涯膜手人間自稱募者將錢繫  
 社尚且稱神徙鼎大齊能無用衆苟爲山於平地一簣  
 元施則造塔于諸天合尖有日伏願大宰官身諸善男  
 子憐其苦行結此勝緣以六百萬贖魏徵之故居勝一



千緒造載達之新宅或頌仁粟量鼓獨操或魄義聚挈  
瓶無倦分八功之水流為大川合于燈之光混成一色  
庶幾法鼓將沉而更震梵蓮已落而重開自見九級臺  
成豈慮百人瓢裂嗟乎鑄凝有術佛不如仙大會無遮  
儒能助墨忍使華嚴富貴空存十笏阿蘭要非開士慈  
悲誰助一流黃鐵當仁不讓諸君須捆載而來有志未  
成菩薩亦倚門而望

小倉山房外集卷六

錢唐袁枚子才

贈提督任勇烈公神道碑

山西出將應蓮生祈父之才巴蜀從軍從古落大星之  
地故知玉粲之瑟其璫猛也沉檀之貴其香焚也荷推  
轂于凶門必立懂于天下乃若兩軍未愁方交河曲之  
綏三鼓不上竟墓宜陽之郭軌軌將軍今得之勇烈公  
矣公姓任名舉字漢冲大同一人也毅而能擾剛而不敵  
受風后之金法作楊公之鐵星年十七應募為兵均服  
振振勇可奮也戎容暨暨望之威如中雍正二年進士  
選陝西柏林守備征巴里坤有功調寧夏都司大隗異



災編氓殲焉公散所稟假噫其捐瘠無穢虐土高築哀  
邱上游嘉之擢固原遊擊會提督標同文耀等作亂半  
夜寥狼一軍踰籍諸將征俗者伏僕遯者逃公手持威  
械馬束股猶解刀投妻登樓發鑿越王園土闔門不辱  
之心子反乘堙扞衛侯避之義賊有攀垣上者公斬而  
擲之頭墮半空騰落羣醜寇來不上我武維揚追其奔  
逸提兵巷戰以五十健兒當百千虓虎立當前疾呼彼  
下風子產尸盜成列而行葉公赴難免胄而進卒能嚴  
關鐵牡解散銀刀城中被涼哭聲殷天公下令曰掠民  
財者許昏夜投繳過限者誅契箭一傳革言三就爭還  
趙壁暗歸楚弓當燒撥焚杆之餘爲翔旂雲朝之取雖

地名回浴刀號定秦不是過也固原平

天子召見曰爾才大可用借朕知之晚也命王常之位  
與諸將離席許摩詞之寢置鴟尾養威虎將名馳龍光  
龍大會金川苗反天子詢以方畧卽擢西鳳協副將  
馳驛赴營尋遷重慶總兵當是時總督張廣泗與經畧  
訥親不相中也公柴立無阿危事不齒陳運糧之累作  
益兵之請當事者銜之命攻昔嶺拔山而進公望昔嶺  
險絕惟迤南一溝可通苗卡乃命別將佯言攻嶺而身  
率精兵從僥道入方誓蒼兕以渡河忽輟雲梯而下宋  
人非著翅肉是飛仙驚柴紹之壁龍橫行七跡信敖曹  
之地虎雄入九軍奪取其卡賊大懼復菜色見力城壘



石而守公分兵從木達不多兩山攻之烏隴烏絕白羽  
面飛然離賊巢刮耳崖已三十里矣公請以步步圍城  
法蹙之不半月苗可匡平經畧不許尅期命進公明知  
遁甲孤虛開山有日龍頭天竈冒險無功而業已卜戰  
龜焦還營路斷遂攀梁麗而上果受飛礮之災乃北向  
叩頭曰臣今以死報國矣薨年四十有六嗚呼痛哉酸  
衷遺高躅洪首敵蝥弧故考叔先登方期翼翫蜻蛉  
萬歲仆碑而進豈料蒼梧南越千秋一奮而亡國有人  
焉誰之咎也然而公始則雲雲斷指繼乃公孫洞胸小  
白未僵大黃猶射又典韋臨危之戰橫貫數人衝張遼  
已出之圍再呼殘卒淺色黃衫蓋棺之衣早備元纁新  
篋歸元之而知生可以謂之勇矣可以謂之烈矣事聞  
天子賜謚加提督銜祀昭忠廟廕其子卹其家公之恩  
禮世盡榮之公之苦心人未諒之今夫將擊卑飛者蒼  
鷹也十步九計者老將也死緩者節之小活國者忠之  
大不偶者命之隻養威者器之宏以故或置兩驂于左  
拒或帥七覆于敖前罕羌易馴營平遠詔卽鄙難下武  
安不行公離氣湧如山亦識垂堂有戒肯捨不嘗之身  
作鹵莽之報哉而無如二憶方構十全無術甘麥鬪忿  
盾舞難分渾濤爭功風利不泊哥舒受逼慟哭出關周  
處無援孤軍殉節古英雄之人處元屯之地急繕其怒  
授命如毛成仁慷慨之場不死無名之所直以曠日異



見天之志。茹劍有含。節之甘。豈徒沾沾。然冀高國于生。  
前卜鼓吹于死。後而已耶。在易象曰。困君子以致命。遂  
志。勇烈公有焉。初公以川兵。惟怯紀律不嚴。乃變其微。  
章廣昭。梟俊曲。轅賴服。增羅闔。狗附之。防唇帶。鼓而有  
火。正壇丁之號。帶其斷。作三日之徇。傳其弓。作一軍之  
觀。故能九上九下。兵如刺。盡三遂。三郊士無縮甲。及公  
之亡也。山河子弟。猶張呂氏之旗。百保鮮卑。空喂房公  
之馬。坡驚鳳落地。慘彭亡。頓黑彌以夢。將軍騎赤牛。而  
思都尉。其能無勞。面生哀守。俾盡哭也。哉公重仁襲義。  
辭降。就窳。校尉高官。雖屯戊己。袁安故綬不具。丙丁至  
于孰。左氏相斫之書。通呂蒙。警語之易。執事如上。馬磨  
盾。卽賦詩。則又蓋臣之雅懷。介夫之餘事也。長子承恩  
年八歲。天子卽召見。擢侍衛。次子承緒。亦補京口守  
備。以某年月日。葬公于城東木坡寺之賜塋。三夫人附  
焉。日中而窆。機合而封。元甲負土。黃封讀祭。固知廬山  
九仞難銘。上將之功。石馬千年尚作。勤王之狀。  
銘曰。人誰不死。鬼獨稱雄。一日碧血。千年白虹。任公挺  
生。熊姿豹狀。兩目眈眈。交烟閣上。初掃鴟。召長鯨。息浪  
再討。駒支。崆峒。劍傍坎。既入險。乾難用。不克敵。致果與  
尸。歸葬事。闔于朝。聖書懷愴。司勳銘功。太常繪像。幣純  
四。猗銘旌。三丈。聖主之恩。忠臣之樣。



御祭卞忠貞公墓紀恩碑記

乾隆十六年三月朔

天子南巡狩至于攝山命經筵講官刑部侍郎錢陳羣  
 以少牢祭晉故驃騎將軍卞公之墓其裔孫某屬江寧  
 今袁枚紀事于碑枚謹按忠臣不邀賞于異代而盡節  
 聖人不責報于幽壤而加恩誠以節不可改謂之忠禮  
 不可廢謂之典死有萬端祇疆場之功大祀有七典惟  
 忠孝之道尤昔東晉堙替強藩驛騷蘇子冠軍歷陽跋  
 扈鼉錯發大難之端而不知為計徐福抱先幾之智而  
 不用厥謀遂致禍起徵書變生肘腋其時大戎長狄分  
 裂中原尺籍伍符半招烏合而且雷池一步阻外諸侯



之接白門三重撤小丹陽之戍祝聃之矢漸逼騶虞之  
幡不靈凡靚白書空自矜清貴者不能揮塵代戈談元  
曉賊王茂宏標舉海內不握子印之節陶士行搖動義  
旗幾失桓文之勳惟公身居奕國志奉孱王軍孤轉先  
旗折更進卻克中矢援桴未停荀偃生瘍張目猶視金  
鼓一震背創盡裂流元黃之血爲蒼生分痛决養癰之  
患爲國家隕身童子何如執干戈爲嬰兒母氏含笑喜  
兒孫作國塲朝中瓦石生則常含塚內空拳死而猶懸  
海內痛之朝野惜之古有社稷臣公之謂矣然而神仙  
羽化尚戀冠巾烈士魂歸常依弓劍銅駝星散誰知司  
馬之諸陵宰樹霜清尚識將軍之古墓 皇上思棟梁

於前代買馬骨于灰塵特命大臣刑牲讀祭灑九乾之  
雨露直達窮泉感兩晉之衣冠能無流涕日月照幽光  
而愈大旃檀隔千歲而彌馨枚守土有年思上彥昇之  
表下馬肅拜未奠何點之觴見周武封北平同爲舞蹈  
喜漢廷祭揚震不愧犧牲嗟乎白骨一杯增國內山川  
之色黃封三錫勸古今臣子之心嗣孫某世系蟬嫣不  
比熊光哭墓 君恩烏奕應同武子銘鍾爰勒貞珉式  
章典傳諸奕葉鑿此哀榮



重修于忠肅廟碑

在昔玉弩驚天之際金甌墜地之辰必有再造元黃重  
扶日月者斷鼇足以奠三靈挽銀河而清八表是以少  
康纂統仗有夏之靡臣宣王中興倚成周之方叔不有  
君子其能國乎然而書于大常祭于太蒸者國家報功  
之典也畫入丹青祀為宗布者後世褒忠之禮也豈有  
建熙天耀日之勳而弓藏東市負紫嶽黃靈之望而廟  
朽西湖其何以填撫神祇光昭星斗此我愍國莊大中  
丞所以有重修于廟之舉也正統十四年公為兵部右  
侍郎天子非穆王而征犬戎聽朝恩之幸河內賈驥山  
之禍應豆田之謠景泰加公尚書總督軍務當是時也



三邊烽火光照甘泉七萃盡沙煙消馭脫申息之北門  
不啟瑯琊之南渡。諠然選仗則武庫甲稀勤王則紙鳶  
信斷哭連鸚鵡難回野井之君。殿擊蒼鷹反逼虜王之  
走加以大風道孽麻起青邱小醜營魂驛騷碧海也先  
以爲江上投鞭早無建業夢中伸脚踏破長安矣公乃  
手揮日光泣同天語。蕭勾羣慝張皇六師辛毘率已起  
之裾郭憲斷將馳之剗剗趨妻子徙入宮中王荷車牛  
獨賣都下誅中行說以除其姦。茨落口倉以絕其粟九  
門列陣持菑弧先登八鎮。關關使老羸臥道三郊三逆  
旌旗爭荼火之光五甲五兵號令肅風雲之氣而且口  
授韜略耳聽羽書百函飛馳五版並入麻思受命及闕  
而祁縣皆符劉晏運糧臨河而舟車悉備贊皇易三十  
六節度奉令貫行桑公揮一十五將軍寒毛惕伏故能  
東靖孫恩南殲嚴虎西擒雕庫北懾呼韓其大旨以爲  
天下者高皇帝之天下也社稷爲重君爲輕惟戰止戰  
澶淵所以盟契丹喪君有君田單所以守卽墨苟立太  
子以絕秦謀則趙王返矣倘盟龍門以求齊變則就魁  
脯矣公抱喬元捐質之心作鸞拳不納之狀借嘶養詭  
詞之說爲瑕甥拔舍之迎不聞四諭堅昆五求回鶻而  
果使暉臺鼎返大歷鐘還日乃再中天成兩日父老伏  
地重聽故主鑿音鮮卑禁聲送出家兄皇帝天生李晟  
原爲唐室非爲德宗也然而權舞雖聞于海內勤勞不



出子口中乘馬三年不知牝牡瓜廬一室儉若布衣劉  
宏以至尊蒙塵撤管絃絲竹陶侃以暮年辭寵上羽蓋  
旛旗公之勲子儀似之公之讓子房愧之亡何紫微動  
于中天赤告生于御座壬人行險乙夜貪功妖似許都  
迎海西于吳郡忠非伊尹返太甲于桐宮以有功之誅  
飾無名之賞以千奴之共膽搖一柱之擎天非叔申改  
立則鄭伯焉歸乃衛侯還宮而元咺先殺何必血流三  
丈心趨百回而早已地起愁雲天飛冤雪及至樊豐敗  
露遣祭關西虜馬臨江方思道濟嗚呼晚矣說者謂北  
征非畋遊之比迹類宋襄太叔有竊位之心事同扶櫬  
而公但佐目夷守國不勸叔武迎兇者何耶不知原繁

不貳乃拒厲公忠之至也蒙穀負書不徇楚難臣之則  
也時平則先嫡長世亂則先有功英宗寵用中涓形同  
欺魄薰赫天下雕琢大臣縱無七先宗社未必不亡也  
景泰以元二之災年際靖康之厄運朝中翹竊半已披  
猖左右汪黃豈無交証而獨能假茂宏以安東之節信  
伯紀為端右之才從善如轉圜受諫如流水禁門鎖鑰  
郭侯列而後開空紙文書蘇綽批而卽下一則以刑餘  
為周召一則以闔外付夷吾一則以鞏固之金湯鄰同  
破甑一則以孤危之朽索馭定飛黃苟高祖之有靈問  
神話之誰屬且夫乘楚車而蔡許不書謂之失位受秦  
幣而夷吾返國已辱先君元聖西歸苦讓忠王繼統亦



符受命不憂成帝復生英宗既曳青衣難乘黃屋而乃  
齊侯似風甘晝伏以胥行衛國如棋竟朝更而善置追  
隣媿相忍斷尸臣獨不念五國冰霜棺歸朽木六宮妃  
后灰酒南風者彼何人斯獨非蒙塵之主耶若公者可  
謂德茂安劉功參微管者矣說者謂景泰情私上世器  
改春坊公竟無羽翼之扶坐視愍懷之廢者何耶不知  
禹禹授啓非夏后之德袁宋嗣傳殤是公羊之論正賢  
如東海猶因廢母而隆尊孝似李璵終為奪宗而受福  
他若玉玦手握乞阿叔為奴金翅鳥飛食小龍無算者  
固無論矣夫手挈江表而授之仲謀者不過子紹封侯  
豈坐鎮天樞而廟可中宗者反使田榮幸市乎公黃羅

未著青蒲何爭震作長男自按乾方而定位星明少海  
應隨帝座以移宮倘必故劍之求而捨吾君之子是不  
諒人只反易天明也公屑為之哉說者又謂公有迎立  
襄王世子之謀雖毛卯鉤鬚事原烏有而臚言風聽謗  
豈無徵不知大臣者以安社稷為容悅者也國無與主  
且熏丹穴求君朝有元良當抱孟侯擁社假使公見鼎  
湖之龍欲墮大庭之壁未埋竟欲遠奉晉安近迎河邸  
亦何嘗非社稷臣事而况虜膺不露輪獵無聲乎說者  
又謂公身領九軍夜司三鑿何以尹亡環列門失倉琅  
使產祿遽入北軍亮晦得窺星象不知公能以中周虎  
落之威隄防北虜何難以擁鐸拱稽之衛設警南宮所



以不爲者射生五百慮太上之馬驚植璧三壇禱元孫  
之病愈故也不然以景帝之雄猜而沙邱主父探鼓無  
聞黔邸雍王摘瓜未唱生金免領于姑孰藥杵停擣于  
黃門謂無人于穆公之側而能如是乎又說者謂壹廖  
諸賢以周昌擁衛之心受子諒朝堂之杖帝雖暴抗公  
合維持是則姬公蒙難責君爽之模稜先主西行笑孔  
明之坐視沃心匪易騰口何難嗟乎非三代以下少完  
人實一孔之儒多目論也吾浙西有伍相祠東有岳王  
廟皆公鄰也故以爲白馬銀濤三吳竟沼江羊黑劫二  
聖安歸自有公而後知魚水君臣不須死諫南朝天子  
原可生還使二公地下相逢益當悲生江上之潮而淚

灑南枝之柏矣我滋圃大中承章志貞教肅禮明禋易  
棟宇之摧頽表神旗之易奕將刊元石遠命鯁生嗚呼  
與其築鬻焚椒奠四時之俎豆曷若崇論宏議掃萬古  
之罅罅用是磨洗孤崖增立表忠觀之碣滌染大筆竟  
書謝太傅之碑



兵部左侍郎凌公神道碑

公諱如煥字榆山松江上海人也生而羸弱若植緒  
長更矜莊宴如覆件賦弈棋于七歲辨燈盞之四聲弱  
冠為督學韓城張公所知舉陸遜為茂才置班彪于幕  
府文章傳世風行誰闕富貴逼人日照難避康熙乙未  
登銀榜入玉堂

聖祖命習 國書與修 三朝國史隄官愧構譯槩木  
之聲歌元扈翠媽紀循蜚之譜牒公侍立不欲隔爐獨  
對答帝邸之問辨冕旒之儀凡 朝廷有大典禮大詔  
誥必召而付焉河圖四十六事梁甫七十二封俱能口  
吐神珠胸藏冊府雍正元年遷侍講督湖北學政公古



尺獨構靈犀孤照楚國才拔漢江風清舉揚可鏡為首  
正以其會祖漣盡忠明代故也辟陶潛之孫子聽請無  
聞拒李紳之私書態臣不悅有劾奏者

世宗特旨褒公授楊東部主政周武封殷比干之後晉  
侯賞舉卻缺之功主聖臣賢于斯為盛遷內閣學士兼  
禮部侍郎八翼風飛九乾露沃賜高馮以銅鏡因其善  
鑿人才欽思話以銀鍾為其心如金石公無思不單有  
得必告議歸州之水程論河南之開墾請增官渡請賑  
流庸制曰可于是浪平三峽勝塞少囊土定五施不  
差主振汲黯有開倉之便王珙無按籍之征十二年以  
母憂去位十三年世宗晏駕公風木方悲龍馬遠泣

翔禽朝下松栢為之不春旭日西沉葵藿因而惟益  
沈約之腰圍減瘦元謨之眉頭不伸基于此矣乾隆元  
年今天子即位遷兵部右侍郎典試江西其時浙之  
北新開墾人斂布英蕩不通公還朝劾奏天子是之  
建封入覲除宮市之賜張蕭巖愛民平荊州之鳩格四  
年充會試總裁枚此科進士也退之為宣公所知孫述  
得顏卿而笑馬首無噪龍門獨高六年公以養親乞歸  
奉旨給假不必開缺若需奉養再行奏聞虛左席以  
鳴咨假銀青為誓約一時中貴半起下風供帳東都送  
疏仲翁而隕涕舉頭天外望班景倩如登仙長安之日  
雖遙太行之雲已近到家上書乞恩解職朝廷使候官



如白鷺翹望公來先生以孝子為慈烏終身乳哺于是  
觀樂欵漙邠之幅廁脩浣石奮之裙願作人兄事親之  
日果永身為國老居鄉之禮尤尊然而聖意欽遲  
天章屢降寄上尊之酒頒赤側之錢華黍歌終驚聞湛  
露斑衣舞罷捧到吹綸承歡則三泖鯨波上壽則萬釘  
寶帶曾參祿厚已看鐘鼎同甘耿况年高更曳金章特  
疾坐上百歲車前八駟畜君何尤安親為上人倫之盛  
海內榮之十二年封公即世公當不毀之年極懸壺之  
哭風吹欲倒溢米不餐遂患脇痛次年八月四日竟以  
不起享年六十有八嗚呼痛哉公初以匪莪之哀思叩  
頭辭位繼以尊靈之永蟄咯血危身能極生榮更兼死

孝可謂賢矣子應蘭乾隆進士扶襯葬于先塋禮也枚  
出大賢之門孰長者之教見公謙常儂身儉不逼下白  
圭無玷赤坂有光與裴綽談如聞古瑟共蘇瓊坐已久  
青雲魏舒先行後言人不知其去位蕭嵩當寵辭祿帝  
自解于厭卿老子猶龍不見雲中之尾聖人如柱能全  
物外之天方攬致性乍辭星冠重耀而不謂月蝕東壁  
鄴侯仙歸雞通酉年謝公恒化魏徵亡則朕失一鑑奚  
斤老而誰說三朝宜乎四野傳春九重撒樂而况侯色  
侍側親傳楊子之書子貢築場手植孔陵之樹者乎乃  
為銘曰

華蓋一嶽文昌一星扶我景運揚于王廷正色立朝能



小倉山房 卷六  
無揆傾親已高年 帝方大用公乃瞿然審所輕重爲  
子者一爲臣者衆周暢手驚黔婁心動急叩丹墀願歸  
家弄 天子曰俞允汝南還母意母必惟汝父是觀公  
拜稽首臣不能離左右父病難痊職曠難久願別簡賢  
臣臣死不朽嗚呼父既委化子亦考終不屬不離一年  
之中風在位者知所適從人以爲孝 帝以爲忠

東閣大學士蔣文恪公神道碑

昔軒轅撫運而感大風伊尹乘舟而過日月陶子生五  
歲而佐禹金提建萬福以輔義此皆名世應期元良合  
德者也是知天地泰交山澤通氣鹽梅桴鼓神化丹青  
蒼牙通靈昌之成五期有數赤伏表黃星之兆一杜承  
穹滢瑋嬰瓊非漢唐之壤奠雲師火正本岳瀆之神祇  
吾於座主蔣文恪公見其入矣公諱溥字質甫一字恆  
軒大學士文肅公庭錫之長子也龔九宗五正代作尸  
臣漢四姓小侯爵歸門子公生而秦表戴于眉目如畫  
入市疑璧吹風欲仙蒙彼縹緜展金屏之四葉佩其象  
掃開銀函之九羊十三歲



世宗召見奇之說文侯之命識丁鴻不凡誦傳說之言  
嘆蘇夔有子已酉 欽賜舉人庚戌成進士殿試時

上親擢為第四選入翰林文肅公叩頭辭讓 上曰朕  
從未見爾子筆迹暗中衡鑿毋庸辭也以紅休之對待

綠車之幸月昇東海早掩星光雲近太陽自然金色隨  
召入南書房行走辨成王之舜冠答平原之堯非釋顯

節陵之冊文記乾德年之宮鏡俱能學古有識數典無  
訛與文肅公先後侍直談遷共事瓌頌矧僚延年孝思

坐臥不當舊處夏侯績學纂修能繼前人  
今上登極累遷吏刑兩部侍郎公奏寬科比以廣擢遷  
添司曹以免推誘 制曰可于是謝笑顏噴不呼平配

潘詞樂旨即是刑書出署湖南巡撫五申統律十部宣  
風平八索以成人操六誓而觀義躍空倉穀栽隙地桑

廬消耒子之錢隄得馮流之法乘華輅以開山治同熊  
繹入國門而免胄人愛葉公尋遷戶部尚書軍機房行

走召羲叔于南郊為咨亮采使咎單為折艾將理陰陽  
命協辦大學士仍兼戶部尚書當是時也鄭武公再世

司徒韋元成一門宰相墨車入殿鈴鼓不張非膜受彤  
弓卽詩懷輦鑑人以爲人主之恩至矣人臣之榮極矣

而不知公出則扈蹕乘夏縵以犯風霜入則持籌掌牢  
盆而算核極訂謨辰告五夜覃思排比天章萬行勞日

靖共九賦無羔羊之間賡唱三雍有卷阿之奏重恩歷



已所在心驚大義滅親更逢家難雖蔡叔不咸歐乃自有國法而揚于既戮既行終竟心傷以致齊大悻盧楊泥羸瘦蓋實授東閣大學士之命再下而公之病已深矣然 皇上望公之速痊也頒珍藥召良醫免償帑金加公子褊侍講張禹假歸賜上尊胎穀王猛有恙禱名山大川兩降靈輿三加襪服扶牀捧日伏枕捫天幾呼鑿鑿以窺呂蒙加紼而封丙吉問桓榮之病疾王相率步疔安景在之心西州禁聞車轡節終之禮震古耀今眷舊之情隆天重地亡何馬肝之石不靈東生之散無效 上覽公遺表雪涕罷朝命依前大學士蔣廷錫例樞歸時凡文武官在二十里內者俱向靈前奠酒一切

卹典悉從優渥較之武宮聞訃而去齋柳莊書邑以納棺投緣沉之瓜傷彥升之逝發元甲之卒治去病之塋者雖哀榮相似而矜寵尤深公侍經筵者六讀殿試卷者八總裁會試者三典試浙江分校禮闈者各一枚卽公已未分校進士也嗚呼痛哉習鑿齒不遇桓公則荆州老從事耳宮牆已遠難築室登夫子之塲桃李雖多將執梃爲門生之長統見公靖共六寮遊戲三餘彈指蘭閣傾衿逢掖八音濫耳偏古樂之先知五色精心必黃中之獨辨兼之風神元定容止詳華雅思淵含清襟蘭郁袁安不肯錮吏張歆未嘗按人揮濟爭功唐彬不至鄧吳受賞賈復無言顧雍候封三日而家人不知曹



參日飲亡何而海內寧一可謂八咳之聖相三古之侯  
釐也已說者疑公閣手仰成觀空署白弊課輔志未有  
聞焉不知房杜無功蕭曹無攻問相公賢否視天下安  
危當今神雀來而遠夷賓當康見而五穀熟重黎氏絕  
天人之交百神受職應上公通雨暘之事萬物九蘭舜  
琴裁鼓黃河已清湯所未升白環盡貢皆主之聖也  
即公之功也又說者疑公室多傾視門有雜賓王陽服  
飾鮮明劉盱用財過濫則又不知體大者迹疎內詳者  
外畧千里之路不可扶以繩億兆之都不能平以準日  
月含虛鳥之瑕不妨麗天之景江河藏魚龍之孽方成  
潤物之功蓋祿萬鐘原為德資卿備百邑不尚苛廉以

故陶士行僮指千人大勳卓爾杜黃裳賂遺萬貫中興  
赫然公以黃散之門風視赤側如土芥金花銀燭羊公  
愛客之心豪竹哀絲謝傅中年之感門張鷟尾合表徽  
章鬢映貂蟬益增華采蓋其高掌遠蹠閱國承家原非  
苦節之貞自有甘臨之吉也而况綺羅雖盛幾曳夏侯  
之衣束紵無多半質長沙之庫身非債帥逋券成行時  
見煇人停炊告急所謂清其本而華其末豐其外而儉  
其中者公之謂也彼太尉之府若乞兒東閣之餐相脫  
粟者其足當公一映也哉公酷愛吟詩別無他嗜披一  
品服坐九花虬揮金管之毫落雲藍之紙逸情馳發藻  
思泉流往往天子領頤詞巨避席焉薨時年五十四



初娶汪氏再娶陳氏三娶王氏俱誥封夫人子六人長  
櫛官兵部侍郎次賜榮江安糧道餘俱以官職世其家  
以其月日葬虞山賜塋嗚呼公琴在望誰為復土之將  
軍幸樹長青我是種松之弟子

銘曰百辟論才三公重器器果恢宏羣才驅使大哉夫  
子淵乎莫窺地厚物納海深水歸贊堯光被佐舜無為  
存神翬翬成功巍巍保合太和率循大卞翠鳳含綬黃

龍馭辨福善來索爛其盈門金紫待疾賢子令孫紅葉  
萬石朱輪十人已畢臣力未盡 君恩哲人但化鄉月  
雲藏厥旌搖風夷檠隕霜所連豕大帝始書上表茲元

石永鎮黃賜

六營公立兩江總督尹公去思碑

夫聖相道行安民必用武健見性直知感莫如兵古之  
人夷念其軍帥者或銘謝城之功上鄙閭之頌建策公  
之社拜石相之祠莫不夸鳧陳奮鷹揚在當時為咏歌  
傳後世為聲響况乎深識九變妙察六術義路霜肅仁  
風澤宣十年有積貯之糧千里無拾遺之事如今大學  
士望山尹公者能不誦思哉公之督兩江也以端右之  
才敷塞晏之化沉幾應智濶迹匡時常以活國為首謀  
無軍為餘事丈人律重君子營高樹六枳以為籬飭三  
嚴而聽鼓早已師不陵正旅不逼師七萃帖然兩孰顯  
若矣每至霜落演獵劉之禮迹人有介廢之告公則朱



旗爛空元甲耀體募僧騰客招曳落河罰必當郵賞無  
慮渴訓之如子弟敦之以詩書辨聲鐸而琅闐無訛教  
步伐而跣跣應節為鷺為鶴先偏後伍之彌縫如火如  
茶八陣六花之出沒沈沈乎被廬之帥畧細柳之軍容  
焉雖然可久者賢人之德也可大者賢人之業也土狹  
則草木不長資淺則功德不茂倘河東借寇不過一年  
僕射稱周僅止三日公亦不能蕭勺羣慝張皇六師爾  
乃開府卅年持節四次戎容暨暨黃髮緜緜角吹鞭  
半是軍門箕帚奇材劍客無非竹馬兒童思以樹而愈  
深政以習而瀾肅故劍不必試清元刀不必詢揚僕揚  
威不必盡于櫓識面不必去兜盔凡夫水以陸隊斷成

村烽革抉拔芮之防督父亭公之設莫不綱集彌于有  
暗塞境確以夷庚陳洗星芒營空海霧銅駝無恙鐵牡  
常關民之慶也公之力也今年

天子南巡公念毛馬而頰承華或缺特奏廣度人之額  
備騎士之需天子制曰可于是吳驂走練增渠黃山  
子之材楚騎追風馱橫水明光之甲使爆掣燦雲霞之  
色旄頭耀儀仗之形可謂石畫無方羅縷悉貫者矣九  
月初六日補文華殿大學士入都抗手六軍兩泣熊羆  
之士焚香九鎮金鑄韜略之書召蔡茂于荊州襜帷望  
斷登仲華為大傅都曲心孤某等或大父童孫累世同  
依麾下或三貂八座起家半在轅間每憶馮公遙瞻大

小倉山房 卷六 六



樹感思子重便望旌旌爰紀五事于郭冲書數行於孫  
綽雖編堂垂範明知非郭丹之心而冒禁刊碑終難忘  
阮略之德乃為頌曰

穆穆尹相克佐隆平秉鞭作牧久鎮金陵能耀七德以  
佐三曾吁荼萬物阜中羣能常羊之維奉令貫行陵水  
經地威輝旁達智可奪梟勇常設爵隊肅銀刀歌騰鐵  
拔組練三千蛇矛丈入開敢箭束而不操刺神偉鳥奕  
歎勳隆際土鉄藏鏑蕭楯斂鋒聞公警款玉燭消虹受  
公平章金甲春農言彰有慶橫草無功一朝枚卜逃矣  
旋麾登于九乾匪我能私凡我同胞舍甘吮滋彼葭又  
出日棠牛枝公歸不復如之何勿思

餘杭諸葛武侯廟碑

餘杭宋村有諸葛武侯廟或曰臺駘實沉厲晉室之占  
江漢沮漳為楚邦之望武侯功在西川廟留南國何也  
余曰子但知侯之有功于蜀而不知侯之有德于吳乎  
當夫本初兵敗當塗愈張劉表身亡長江無主仲謀者  
鄭為英國趙本孱王聞有曹兵驚同秦孽張昭計將乞  
食文表志在迎降惟侯遠降巾幗笑揮羽扇激昂事理  
裨闔談鋒借籌定覆楚之謀蹈海拒帝秦之想于是東  
風一面焚盡餘皇旗蓋三分永成鼎足蓋用吳以敵冀  
北者公之所以忠于漢謀也通蜀以保江東者公之所  
以善為吳計也以為老賊在魏而不在吳兩國宜和而



不宜鬪。雖逆順之理。應爾亦堅。瑕之勢。昭然。惜乎。貉奴不達。虎將自矜。子明。糜。奮之雄。何知遠計。伯言。目論之士。但貪近功。當雲長。威震荆襄之時。正呵。曠。議。遷。許。下之日。不乘此。連環。犄角。電掃。颶。分。南北之兩朝。作東西之二帝。而乃。鄙。同。索。責。知。等。挈。旃。婚。姻。生。銅。斗。之。仇。散。博。火。梟。棋。之。智。一。則。稱。臣。納。質。爐。火。乞。憐。一。則。暮。氣。忿。兵。捃。亭。捷。敗。何。其。悲。也。獨。追。懷。大。計。遠。鑑。前。非。傳。書。則。便。許。通。和。踐。祚。而。旋。思。報。聘。念。相。唇。齒。肯。寄。腹。心。及。至。劍。閣。不。支。陰。平。深。入。絕。不。聞。輕。舟。來。救。驅。南。國。之。兵。卷。甲。疾。趨。列。西。陸。之。火。視。同。舟。為。胡。越。等。一。室。於。鄉。鄰。者。豈。不。以。劍。閣。既。沉。庸。與。金。陵。之。興。廢。涪。江。斷。斷。何。

關。建。業。之。重。輕。乎。然。而。王。濬。樓。船。即。用。益。州。之。衆。張。華。棋。局。先。收。杜。預。之。言。勢。有。類。於。滅。虢。取。虞。事。竟。符。於。井。韓。弱。魏。然。後。知。公。之。經。營。梁。益。即。所。以。聯。絡。武。昌。也。締。造。巴。渝。原。勿。異。周。旋。吳。會。也。假。使。天。星。不。動。火。井。長。明。食。少。無。妨。鞠。躬。如。故。則。竭。司。馬。囊。底。之。智。難。當。木。牛。懼。上。之。兵。不。徒。孫。郎。之。宗。社。未。敢。謝。觀。而。且。魏。武。之。山。河。無。暇。篡。奪。矣。然。則。侯。之。廟。豈。徒。俎。豆。于。吳。邦。侯。之。功。兼。可。烝。嘗。于。曹。社。吳。人。思。桓。王。之。創。業。感。大。帝。之。垂。基。惜。其。孫。子。驕。淫。君。臣。疏。忽。而。侯。之。良。謀。偉。算。親。仁。善。鄰。規。模。如。是。之。宏。也。是。以。歲。時。騰。臘。霜。露。星。河。傲。樂。公。立。社。之。文。作。朱。邑。桐。鄉。之。祭。亦。天。良。之。不。容。兵。者。尚。何。疑。哉。



尚何疑哉余既為釋立廟之故而又為迎神之曲使歌

以祀侯其詞曰

謂是侯廟兮吾民喜謂非侯廟兮吾民悲民亦何知侯

之忠與與忠漢兮而但欲奉侯以為歸廟前兮有桑童

童兮蟠宮蒼廟後兮有柏參青天兮黛色村之岷兮歸

銅鼓村之巫兮巴渝舞味淡泊兮陳稷黍侯勿蜀思兮

享此土福我民兮萬萬古

此吾鄉吳愛伯先生文也勒石者嫌其過長屬余

傲此吾鄉吳愛伯先生文也勒石者嫌其過長屬余

傲此吾鄉吳愛伯先生文也勒石者嫌其過長屬余

傲此吾鄉吳愛伯先生文也勒石者嫌其過長屬余

莊西麓先生墓表

乾隆二十一年莊西麓先生卒于江寧其子經畬與機

將葬以墓表為請收謹按先生諱稱榮字西麓其先由

金壇徙昆陵父令與官翰林公其季嗣也權重三刑行

居四括生而愴定長更徇道讀父書則每旬呼諾聞兄

喚而隔牆整巾太史愛其至性命倚長安花磚歸晚手

進烹雌玉漏晨趨門應題鳳見長豫而輒喜知阿恭之

最真夫人楊氏來歸生經畬而遽卒公裁二十六歲下

感華元上師楊乘室無領視庭有斷絃竟使鏡檻罷春

繩牀臥雪續子愧朝飛之曲伯奇絕野放之歌已而太



湯藥聽呼侍文若于膝前起居扶杖宮錦一襲板輿廿  
 年孝致蒼烏祭生福坤聞者羨海內人倫之盛識者歎  
 先生色養之難俄而經畚舉於鄉成進士太史椿萱猶  
 無恙也撫范馨之硯代有傳人生苦越之兒功歸名父  
 亡何太夫人奄逝終七太史捐館公培受襚衣詩懷菹  
 豆四方觀禮一口稱賢十年經畚知建德縣事調盱眙  
 公舍館裁暇便問平反皆城小閒代稽荒政卒能布麟  
 趾之格活鳧沒之民大府于是轉平陵之薛恭換鉅鹿  
 之尹賞公之教也癸酉秋經畚抱飲章之痛雖非上測  
 已受平鑄而公牛盲不驚馬失更喜今年

天子南巡大府命經畚辦供長事奏請復官迎公子盱

盱之人飲水思源登枝尋本莫不縣鐘布路邑子刻碑  
 樹喬梓以當甘棠進壺漿而佐秋膳為民作爹封公居  
 大父之行似佛畱韓合都有焚香之送居白下兩月疾  
 終松三堂年六十有九嗚呼痛哉趙臺卿聲名方盛所  
 怙先亡李日知封誥重來高堂不見服衰而登夏屋遺  
 命殷然經畚差經畚懸几而誦虞書先靈聞否宜乎垂髫  
 戴白者輿音過喪贈視題棺者各流畢集驢鳴江左爭  
 號武子之靈山折武當齊悼文公之阨更可異者經畚  
 捧檄蘇州得信歸來以六月二十七日解征驂而公以  
 六月二十八日昇淨域訣猶生之面于千里之遙假半  
 日之程慰終天之恨故能慕報 國恩葺條家事考終



協吉坦化無違以視歸父身還空悲括髮黔婁心動裁  
得承衾者直不可同年而語矣公友愛尤篤常在官舍  
嘆曰見吾昆季如見先人于是劉基臥內借羣弟以晏  
眠傅昭席中尾衰兄而扶曳紫芝哺姪兩孔流潼郁鑿  
無孤含飯滿口雖穿漏之屋無多寄公之席甫定即欲  
招士龍于日下就嘉祐于岐州幸樹將封荆枝尚暖墳  
荒未奏薤露先聞非愛結于心義形于色者其能與于  
斯乎其行已也踐繩其接人也用絕侈然淵其志皎然  
潔其衷九宮賦其銳銀三族飲其方格故經畬縮綬十  
年家無餘畜借公瑾市南之宅暫推厥旌受辟陽贈贈  
之餘聊供溢米此又清白傳家之明驗也然而胸參若

海意行似天峯僊爵之康娘策扶老以流憩潘道潛積  
立滿門前雀立書聲驚聞松下凡鄉里之殷兄長丈故  
人之桂子椿兒靡不轄設井中屬交戶外少時射策  
精儒書晚謀諸孫親為庭誥楊遵彥之食不許嘗王  
方平之輟殊非易得操之已蹙疾乃不斟蓋含珠屬纊  
之將臨猶鐸振鍾鳴而未已可謂有覺德行無忝貽謀  
者矣枚望丈人之行未挹龐眉聞長者之風長傾飛耳  
抽絲萬繭偶得片端挹水九河初揚一勺取楚國先賢  
之傳刊化臺元石之文陽卜可貞幽光不泐

